

人物志

江右在三代聲教未通漢初番令吳芮始開草昧饒郡人物權輿於此矣維時安邑則稱鄉設鎮雖有雄奇偉烈之英亦在鄙餘志內自建縣以來代不絕書亦堪與大邦相亞次豈前此六朝五季盲雨腥風山川秀靈之氣寧鬱無伸而人物之挺特者必待炎宋之初英主御宇而後興歟况

今上聖神文武光照四方海滢山陬罔不滌汚洗陋錦江玉壘外佳山水蜿蜒滌繞有不競獻奇呈巧者乎依前志分類如左未備者益之

安仁縣志

卷之八

人物

名宦	鄉賢	理學	儒行	宦蹟
忠孝	文苑	隱逸	武功	列女



名宦

安之建為縣七百有餘歲矣令茲土者不知凡幾而已入名宦祠者僅有七人即合諸名彰徹而尚未列瞽宗者亦不過數十人得無悃悞之吏不求赫赫名而士大夫失所紀述遂至湮沒無稱乎可慨然而一歎也丞簿尉以佐令師儒之官率多士以弼令皆落如晨星意者核而不浮慎而無濫故所記止此與抑何寥寥也依次列之使後之君子有以攷焉

舊志

宋

鮑琚字德彰浮梁人由進士宣和間知安仁昔福建勤王

安仁縣志

卷之八

名宦

二

兵謀亂琚以大義諭之召除軍器監使鈞考東南財賦琚收分閫兵入置宿衛遷右司員外郎進直敷文閣知鎮江改廬州兼淮西安撫使

蔣靜字叔明宜興人由進士政和間知安仁公明正直博學善詩肯俗好巫疫痢流行病者寧死不服藥公論巫罪聚其所事淫祠三百像投諸江後遷國子司業進祭酒為大司農出知洪州復告歸加直學士贈通議大夫

祀名宦

明

李琛平鄉人舉孝廉洪武間知安仁平易豈弟遇百姓如

家人民感悅願趨事守教令囹圄幾空凡廢典悉舉考
最擢化州 祀名宦

邵貞餘杭人洪武間以御史謫知安仁執持不變撫字有
方轉部郎中 祀名宦

曾閏字子餘福州人由進士未樂間知安仁脩舉敝廢境
中稱治 祀名宦

項脩字如廉瑞安人由進士正統間知安仁精于吏事陞
工部主事 祀名宦

高墜字德滋長樂人由舉人嘉靖間知安仁聰明才察忠
信勤敏求善下士卒于官人咸哀之 祀名宦

安仁縣志

卷之八

名宦

三

蕭時中號斗陽永安人嘉靖間知安仁平易近民勤于課
士鑿渠灌田名曰蕭公陂陞荆州知府至今民有賴焉
謝汝韶長樂人由舉人隆慶間知安仁居官勤恪治民廉
公權無旁落佐屬凜威首奉條編盡革常例發奸摘伏
節用愛人改學宮體裁盡制奉編法盈縮得宜刻錦江
政畧求為治規立文會申 聖諭迪民行買辦平價支
給以昔民為立碑子紹澗登壬辰進士

徐存德蘄水人由進士萬歷間知安仁平易近民謙冲禮
士剔奸刷弊政興務舉甫期年改調仁和百姓流涕
尤拔俊浙江崇德人由鄉舉萬歷間知安仁造士愛民催

科尤善改泮池城開雲錦門以光復氣運百姓呼為尤
父入覲上疏罷湖口稅痛切為民忠侃恤國上嘉納
之八名宦祠肖像祀之至今如生焉見祀名宦
熊兆禎字善符湖廣江夏人由歲貢崇禎間知安仁侯雖
起於明經而學識有本聽斷如流待民寬而防患密凡
增城建學諸務釐然具舉蒞任八載平易簡淡之風久
而益親真不愧父母之稱矣左遷審理而去無論士子
不忍失即賣菜傭牧豎皆感泣羅拜舟前安邑自尤侯
而下所僅見者人至今猶追慕丰采云

國朝

安仁縣志

卷之八

名宦

四

李一元字問義江南太平人由進士令安仁昔邑當底定
之初田土荒蕪十之七八民人流徙強半侯至僦屋而
居平宕簡易之風與民相親若家人父子申請蠲荒力
甦民困安仁之哀鴻來歸開墾歲報額數得以不虧里
圖得以如舊者侯之力也至今百姓咸思之

王珩陝西人由貢士順治間知安仁慈祥愛民溫恭禮士
際前令束濕之後獨尚樂易合邑殘黎猶離湯火而登
衽席也乃急流勇退力請致仕去之日民繪圖為別泣
盡而繼之以歌嘯嘻愛戀極一昔之盛事云

史紀夏號澄齋江南宜興人由進士順治間知安仁清標

雅度謙以待士勤以理政慈以養民治甫期月而政轂洋溢不事苛察而摘發如神惜遭昔維艱未竟其才士民至今稱慕焉

程瀚號瞻菴上元人由進士康熙二年知安仁嚴殺廉介吏不敢欺愛民如子寓撫字于催科民化其德亦輸將恐後鮮逋賦焉邑聯撫界有寄庄田為官民病者數百年矣侯至賠償抵解以副考成復為經久計乃申請各憲立寄庄單頭分戶取保同本邑徵比自是邑民無代賠額賦之苦即寄戶亦免頑拒之累其他剔釐奸伏令行禁止絕贖鍰却例錢任九載始終一節卒于官

安仁縣志

卷之八

各宦

五

黃家遴字尚賓號咎庵廣寧人癸卯舉人康熙十二年二月任侯天才英敏吏不能欺兩造至庭片言立決即肯發遣去無不厭服至恤民病不一懲以贖鍰案無滯牘獄無淹囚士大夫不敢干以私防兵驕悍一繩以法終侯之任營伍斂戢尤恤民財力正供之外毫無所派簡徭輕役與民休息值取豈料解省未用侯悉給返民胥役一無乾沒十三年福建叛廣信守將以城附之安仁逼處下流怯弁遁去民鳥獸散侯獨率家丁力保孤城民恃以安弋陽貴溪半為賊黨而安民獨能固守者皆侯之忠愛素孚有以勵之也尋詣省請大兵進勦初至

偵騎四出遙見貴溪山賊張幟隣界主帥莫辨疑安民之伏莽也整兵以出將殄殲焉侯力保安民無有叛者帥為歎威少待頃之四方百姓聞侯至踴躍惟迎牛車負擔賣糧以餉王師軍食壺漿百里不絕帥為大喜安仁數萬生靈得免慘戮皆侯維持保護之力尋以隨征督餉功陞南昌府同知陞任本府知府

侯弘基號隣清陝西三原人由進士乙卯丙辰之亂城為賊踞甫恢復而侯抵任衙舍民居焚蕩無遺侯居瓦礫中勞來招集民漸次還定結茅以居忘其離亂也崇獎士類勤于考課首旌孝弟民用興行徵糧除去火耗崇

安仁縣志

卷之八

名宦

六

完正供或至不辦管至十餘輒流涕有民失金疑同舍少年訟于庭侯置勿問遽出金償之曰人方年少可自新若成其竊終身不齒矣以暇脩建衙舍創仁裕倉以脩國儲歲大飢號賑于庭者日千餘人侯慟哭慰撫為那借官銀計口賑給勸紳士里民共助金全活甚眾民恐飢而不為亂憂勞成疾六月暴卒百姓如喪考妣真古之遺愛哉

胡績顯字康侯浙紹山陰人甫下車肯貴溪山寇復熾即團練為防禦計民用安堵有民吳新家隳貧不能完正供賣妻以輸公聞審實而止之并給銀米為牛種資又

有穉民周盛住隣貴溪為其防兵借端拷詐不遂送彼防弁將肆毒焉公知怒即親詣貴溪力辨得免禍公之愛民大率類此至待士以禮則又有古賢侯風也陞廣州府同知士民慕德因為立講堂

縣丞

明

馮楷績溪人由貢士洪武間丞安仁立志清苦廉介無私陞知縣

王錦蕭山人任縣丞正德間姚源賊亂會各寨聚兵錦晝夜勞苦回縣一夕卒其子先隨父戰死蘓家橋

安仁縣志

卷之八

各宦

七

主簿

宋

李舜臣乾道間簿安仁調知德興詳見德興各宦

典史

明

李素衛輝人洪武間為典史廉潔自持民有犯必得情方行刑絕無朘剥意門無私謁秩滿耆民具蹟舉留後陞監察御史尋遷湖廣僉事

見祀各宦

江梅全椒人正德間為典史與其子江涼率兵征姚源賊俱戰死蘓家橋

驛丞

林世美閩縣人任紫雲驛丞正德間戰于樂平西源陣沒

教諭

林恒莆田人由舉人宣德間為安仁教諭博學尚行造就

良多 見祀名宦

楊煜然清江人壬午舉人性坦易樂直與物無爭遊其門者如坐春風中躁競頓釋歷任九載日與諸生講學課菽寒暑不輟貧士晉謁不計束脩歲終捐索以給貧生粟米至躍治者色笑婉諭匪怒伊教之風古之味賢后者於首耆齋稱僅見焉卒于任受業門人為捐廩粮一

安仁縣志

卷之八

名宦

季以歸其喪服教不忘益兩得云 以上俱舊志

鄉賢

自古沒而從祀者名鄉賢典綦重乃安邑志凡蔚然為鄉之望者俱得名鄉賢或私祀焉亦鄉以賢重非賢以鄉囿也自宋以來見膺秩祀者得十二人或以禮樂或以事功或以忠孝矢志或以清惠流芳此蓋貫霜雪而不渝綿俎豆而不祧者也其從祀諸君子亦雅堪步武不遺漏不濫榮依前志備列之各以昔代為次舊志

宋

湯漢字伯紀詳見理學傳

安仁縣志

卷之八

鄉賢

九

陳奎字肇芳一字偉節號鶴心父施川以武功補沭陽令咸淳元年父子同舉進士調滁州司戶叅軍父喪免改荆閩糧料院又以母憂去調胸山主簿制置使印應雷辟入幕德祐元年秋奎由海道歸杭授南安軍教授不就還家奎少與謝枋得遊會枋得起兵安仁首拔入幕執安仁令李景景奎同鄉人也以家貲二萬贖罪奎曰普天之下莫非王土家財獨非朝廷錢耶殺其罪斬之景子率鄉民五千報怨奎度勢不敵引兵趨信州會守令遁去奎聞于朝就攝罷事益王即位奎入覲遷宗正寺簿太府寺丞領江東安撫使出上饒接應罷縣所部

才千餘人屯火燒山越數月戰潰被執至豫章元帥憐其才羈縻館留之遁去後三年復起兵尋敗入積石山中自刎死所著有鶴心集其詩多訛刺當昔之士大夫弟年同皆被執死焉

元

李存字仲公號俟菴穎悟該博深明性理之學邑令延為經師羈守聘典文衡屢薦皆不起乃葺書院受學者如翰林承旨張仲舉危太朴輩皆出其門昔以為江東大儒著有俟菴諸集

明

安仁縣志

卷之八

鄉賢

十

鄭倫號環谷元湖東廉訪使明開國初應秀才詔授鎮江叅謀太祖器之命主帥赫紅曰聽其謀議待以賓禮與偽吳戰倫伏甲士佯以弱卒拽舟若降然誘其驍將徐某等使深入伏忽發盡獲之太祖嘉其功賞賚甚厚謝事歸洪武乙丑又以博古通今召太祖曰峻法嚴刑人心不改何以治之對曰臣聞繼治世者其道同繼亂世者其道變人心不改則以中和之道治之帝嘉納親製勅諭并古詞賜歸

張誠由貢任天台縣丞民苦荒田稅奏除之民感入骨陞臨海縣志載其熟察民隱下車之初廉介有餘去奸剔

蠹政平賦均吏不敢欺後陞應天治中

于準字世範領鄉舉歷長沙衛輝判有惠及民立祠祀之
嘗吞蝗蝗悉死民得有秋遷松江同知再遷松江太守
三日致仕學者稱為平齋先生

舒晟字孔陽岩後人中弘治壬戌進士由烏程知縣遷御
史剛正廉明遇事敢言巡按廣西屬吏貪詐者望風去
擢知順德府改保定京輦輔郡多中貴難治公一切裁
以法不少假借遷山西副使總理紫荆關兼巡視真定
地方將去民爭訴之當事復借一年御史韓雍上其事
代者至乃去在山西尤注意邊防朝廷嘉其績增俸一

安仁縣志

卷之八

鄉賢

十一

級既而汝苑馬寺卿馬政脩舉擢福建按察司獨持風
裁八閩清肅尋以母喪去位未幾卒于家歷官二十年
廉介忠義之心可貫金石沒之日家無餘貲所著有八
桂旬宣錄脩邊等書傳于世

劉麟字元瑞赤塘人先世以武功調南京廣洋衛副千戶
遂家焉領應天鄉薦丙戌成進士嘗外戚張氏驕橫科
道龐泮等交章論劾帝怒悉下詔獄麟抗章申救獄寢
解尋丁母艱扶柩歸葬安仁祖塋傍服除補刑部主事
員外郎郎中奉璽書恤刑畿內免死及減放流徒以下
一萬七千餘刑清訟簡圉圉空虛隨擢守紹興漢劉寵

故處也會逆璫卬公出守不脩謁猶掇郎中皆瑣事廢
為編氓郡人爭致贐金公曰勤苦諸君吾治不逮前劉
敢蒙一錢意耶既去越人肖公像為小劉祠肯陸崑為
南京御史以言事罷職遂同歸湖與吳琬施侃龍霓及
孫一元結社稱湖南五隱璫瑾誅起知西安遭父艱會
宸濠構亂弗及歸葬安仁後遷陝西叅政屬關內饑寇
數深入朝遣貴臣督兵將厚賦以給軍興諸司莫敢持
異公曰靖邊以為民也饑年加賦內難獨不可恤耶使
者色沮會有赴闕陳訴者議遂寢公亦嚴核侵漁括逋
負邊儲竟以不乏擢雲南按察使謝病歸嘉靖初起為

安仁縣志

卷之八

鄉賢

十二

太僕寺卿改刑部右侍郎尋陞工部尚書公咨吏部盡
選才廉士克漕任仍請築外帑刷四司之財貯之特銓
主事一人與臺臣同典出納上嘉公意賜庫名曰節慎
故事上供造作率閔二十四監不受覆覈公條最甚者
十二事得旨裁之中貴用是切齒會上遣近璫督造龍
袍于蘓松公請停罷且以屬之有司便上初俞之後勅
令解職久之以顯陵殿宇滲漏興功在視篆肯落職閒
住追前過也麟自退歸寓居長興之瀆南坦一室頽如
冢無貯積既歛嘉遜益遠世務其為文能以冲泊雅淡
之詞發環偉奇崛之氣書法宗羲猷尺牘片楮人爭寶

之早忝玄理嘗曰士人身如處子若有過舉將盡生平
棄之晚歲好樓居無力築作友人文徵明為寫層樓圖
繪其像于上遺之嘗懸之北壁下命之曰神樓賓至則
陳法書名墨以為娛叩以昔事不答郡邑政無巨細悉
謝不聞公鄉臺僚騰章交薦不知也事繼母遇異母弟
篤恩禮年八旬餘猶來安仁謁墓世廟初御屏書冰清
玉潔者二人一為大理鄉陳恪一為劉麟賜謚清惠

張鉞字文輔下梓人弘治辛酉鄉薦正德戊辰進士初宰
浙之遂南古蠻荒之域俗用囂強號稱難治鉞至首以
教化安養為務剛明果斷鋤強扶弱毀淫祠興學校禁

安仁縣志

卷之八

鄉賢

十三

左道築城堞執法平恕獄無冤滯以清廉著監司旌異
之遂戒之曰汲水于盎始非不澄徹久之鮮有不腐者
爾信廉矣盍保其終鉞厲教曰水可腐鉞不可腐也會
江西姚源盜蔓入浙境皆承平既久民不知兵公倡勇
敢繕守脩邑賴以安以內艱去民立生祠祀之服闋擢
陝西道監察御史正色敢言獨持風裁宸濠謀逆朝廷
重臣有陰附之者鉞首發其奸武宗欲南巡率同官連
疏以諫伏闕不起至厓中使溫諭直教聞天下正德十
六年擢巡按廣西吏部尚書某刑部尚書某皆宸濠黨
也濠事敗二奸僥免鉞劾奏置之法黜藩臬貪官某及

清江王府長史某等諸王不法鉞奏請裁抑皆懼而自
戢老奸宿猾望風遁跡嘉靖改元疏請復經筵崇聖學
其言深切時弊進求平守以外艱不赴服闋補金華守
是歲民苦赤旱倉廩告竭賑貸勿給鉞請于上司蠲來
年民租復弛監禁以活民命屬邑永康義烏俗健訟案
牘山積鉞推誠察微澆俗頓革期月政轂大著太宰桂
萼屢致書稱勞遷浙江海道副使音倭彞漳寇出沒為
患不常鉞嚴令申儆奸民以海舶取利乘間為盜入境
則以豪勢為淵藪鉞治當路者數家悉處以法由是盜
賊屏跡遷福建叅政再遷湖廣按察使貪官污吏聞風

安仁縣志

卷之八

鄉賢

十四

遁去楚府有楊指揮為王爪牙嚙之不善竟逮治不貸
搏擊強豪人皆畏服又遷四川右布政轉左布政進南
京工部右侍郎簡工虞之弊率郎屬以身先之會九廟
災鉞上疏自劾不職乞避賢路弭天變俞允去之日士
民莫不惋惜家居嘗謂諸子曰吾受國恩厚雖涖官從
事不敢不盡吾心然才質所限負吾君多矣沒世之後
其勿以恤典為請諸子守其訓故卒之日贈謚不及

桂華字子樸山後人舉正德癸酉科少穎敏師事張正銳
志聖學敦行古道慨宋儒蔡西山有衛道功崇祀弗及
擬疏以請于督學邵公寶寶以天下士奇之會姚源監

起華謀以賑濟粟募民築城為捍禦計當事為討賊過
安仁者每從華咨事宜華亦昔為畫攻守策會寧藩蓄
送謀陰使其腹心兵備王綸致華助已華昔居母喪綸
旬日三奠其母靈華推知其情議論必依忠孝綸卒不
敢出一語而去遂告邑令楊君騰檄諸藩直達京師都
御史王守仁討宸濠過安仁與少保華論格致說不合
王請見華華曰華雖論道先生意然終有不可同者遂
剖析其大意王不能難世宗嗣統華非廷臣濮王議乃
謂華曰爾當告禮官急從聖心無使後人笑麀糟叔孫
通也正德壬辰撫州盜息立東鄉縣當事議析十三十
安仁縣志

卷之八

鄉賢

十五

五十九凡三都屬之華與弟萼協謀知縣汪濟民以縣
小請復其地後止析十五都一都并十三都十九都各
一圖皆其力也天性孝友居喪不用浮屠有文集二十
卷行於世督學徐階召諸生謂曰古山先生正學古道
宜入鄉賢因祀焉

桂萼字子實自幼從其兄華私淑吳與弼胡居仁之緒論
其學以收斂身心為主本以孝弟忠信為實踐以經綸
康濟為事業而天文地理禮樂名物師田水利以及醫
卜農圃之書靡不究心期于致用正德辛未舉進士授
丹徒知縣歷武康成安所至敦古行明教化抑豪強有

毅獨性剛執不能與肯俯仰嘉靖癸未擢南京刑部福建司主事肯廷議大禮統嗣二字未明張公璠先有二疏為執政諸人沮斥天下洶洶莫識誰何張孤立聞公至甚喜曰是可與明禮者比至語果合遂上疏明繼統之公辨立嗣之私同張被召至京與廷臣辨論帝意始決三年大禮成進翰林院學士四年陞詹事府兼學士六年陞禮部右侍郎改吏部右侍郎加太子少保尋加少保八年七月命兼武英殿大學士八月致仕九月召還帝深禮眷稱以俊彥宿學賜銀圖書二曰忠誠靜慎繩愆匡違凡啟沃君心揚薦士類與夫軍國生民之計

安仁縣志

卷之八

鄉賢

十六

知無不言致仕卒于家贈太傅謚文襄有奏議八卷

桂宸號橫山山後人幼穎異不狎羣兒稍長薄舉子業銳志聖賢及見督學高一所公此志益確乃與同志錢洪甫鄒謙之王公弼講明正學王陽明以任重致遠期之構亭集徒有童冠吟歸之趣以亭山橫亘因以為號崇

祀鄉賢

以上正祀十二位

宋

湯夏字起翁崇義鄉人天聖進士倅黃州築城禦儂智高歷知泗泉宣三州有政毅嘗受仁宗手勅褒美

前志載

安仁人今依萬歷寫本改正

熊彥詩字淑雅稱曲肱先生登進士累官至光祿大夫邑人翰林侍制倪鏜奏立錦江書院以彥詩配享朱子於東序

元

倪鏜字仲瑤應文學選任南康路教授遷翰林侍制再遷晉寧知州有惠政奏立錦江書院以淑鄉之後學

明

李復觀名光字以行仲公之曾孫也性敏敦行以易第進士永樂初知福建紹武縣能以文學飾吏事不假鞭朴而民信服至今人慕之見八閩通志

安仁縣志

卷之八

鄉賢

十七

辜顥字主敬天順進士授吏部稽勲主事遷兵部職方司郎中擢廣西叅議柳慶彞獠雜處最稱難治推示誠信卒皆率服年五十致仕家居不入城市戴珊銘其墓曰急流勇退千載清風

湯惟學字肯敏號南谷一都畫橋人穎異軼羣年七歲讀史鑑過目不忘吳道憲召試詢留侯從赤松子遊其事果否對曰漢高祖殺戮功臣不過假此為脫身計天下豈有神仙哉道憲大奇之抱至膝上稱其不唯所學之博且所學之正因舉神童中正德庚午舉人丁丑成進士選翰林院檢討與脩武宗實錄陞脩撰兩奉簡命同

考試會闈欽命封楚藩岷府工詩賦著有南谷摘稿四
川江都翰苑李遇元作序畧曰其為詩古體法漢魏而
絕似韋蘓州近體法盛唐而尤宗杜少陵其文出沒變
化類馬遷而莊勁似柳子厚蓋其渙獵兼收百氏而陶
鑄自成一家實有得乎聖人之言故克臻此真翰林之
雋而昭代之英也

吳榕字子克漢溪人博學強記鍵戶研究家人告食且盡
不顧登萬歷癸酉鄉試初授宿寧學博昔宿寧差徭繁
重有王公九叙者以童子應役從傭中特識之為請於
令得免且使就學於齋後成進士秩滿遷貴池令寬和

安仁縣志

卷之八

鄉賢

十八

簡重政尚體要分校南闈得人稱最改調房山令邑畿
輔多貴戚中宦主之侵奪民產為患者數十年御史某
者檄民據實陳訴而惡璫先發取旨逮富民李當賢數
輩誣其侵皇庄緹騎暴悍公忿激為民請命由是忤中
貴幾不測後退處三十年正身表俗長吏未嘗一見其
面或走書致問利弊輒手報曰八十曰耄謂其彼昏不
知也自分休退敢以狂悖混累耶日執卷不輟著有弘
宇文集四書正義詩經正義等書卒年八十六

陳道亨字孟起其先江州人十世同居號稱義門宋初諱
績者仕于安仁因徙居之遂為安仁人又十七傳而至

道亨父瑞就婚藩府寓新建道亨因籍新建以萬歷丙戌舉進士其學以方正為行已之大閑以廉潔為居身之正軌以忠誠恬靜為治世之要道初授刑部主事後改南兵部調南吏部考功郎丁父艱服闋補南驗封司郎中歷郎署二十年恬然安之後晉武昌道庚戌遷山東按察使丙子遷本省右藩乙卯遷福建左布政所至有教三舉卓異在閩黃中丞公舉以自代父之遷提督操江核廢額練水師朝論翕然稱之後遷刑左侍尋改工左侍總理河道有妖賊徐鴻儒以白蓮教惑眾自鄆城連破四邑運道所經延袤千餘里無城郭之衛公聚

安仁縣志

卷之八

鄉賢

十九

兵分魯橋南陽夏鎮視要害屯之賊望旗奔靡運艘得啣尾抵倉五月而妖賊平然卒不自明其功也壬戌晉南兵部尚書是昔魏忠賢竊弄大柄楊公漣疏其二十四罪降旨切責以漣疏皆屬牽誣公方引疾杜門奮激扼腕合部院九卿具疏爭之其畧曰先帝嘗命楊漣等輔陛下為堯舜之君漣立受顧命又感陛下拔起之恩其奮激觸邪以其見聞之真者入告正漣忠於陛下之職分豈敢妄有牽誣臣等視近年四郊多壘百未弭一加以天災地變物怪人妖種種遞現邇來愈見朝政參差國勢搶攘物力凋耗世界萎蕪豈無召致而然今觀

忠賢罪狀假令十有一真已足虧損聖德傷和致疾况如廷臣博採十無一虛陛下若徒念忠賢今昔勤勞遂舉冠柄而授之恣所竊弄姑息養奸優柔釀亂將謂以是酬勞何待宦豎太重而視天下太輕耶天下者祖宗之天下家法者祖宗之家法高皇首建律令內臣止供使令洒掃之職違者法無赦今忠賢違法若此而不一問將如祖法何疏上得旨回籍崇禎御極議用公田閒卧疾不起年七十有七沒之日篋止數金貸親友以殮有江右三清之目其二為鄧公以讚趙公貞吉子弘緒別有傳

以上從傳八位

理學

安舊志無理學閱郡乘全饒不數人而安仁湯公漢
衷然其中此非一鄉之士也蓋自考亭倡道東南同
時若柴中行真德秀諸先生心心相印淵源最親時
則偽學之網方張誠意正心為世大禁士非識力素
定未有不易所趨者唯公學有本原立朝著蹇諤之
風籌邊建安攘之策固非空談性命苟就事功者所
可輕為附麗道脉所傳不嫌孤寄得一人焉可矣從
鄉賢中首揭之為邑乘光

宋

安仁縣志

卷之八

理學

二十一

湯漢字伯紀崇義鄉人柴中行見而奇之真德秀在潭致
漢為賓客嘗造趙汝談談曰第一流也江東提刑趙汝
騰薦漢於朝詔克象山書院堂長赴禮部別院試授上
饒主簿轉運使趙希暨言漢海內知名士豈得吏之州
縣哉詔循兩資差信州教授兼象山書院長淳祐十二
年差克史館校勘改國史實錄院校勘會大水火灾應
詔上封事謂任天下之大立心不可不公守天下之重
持心不可不敬陛下於皇天祖宗之德弗求念而報答
私息於群黎百姓之疾苦弗深恤而富貴私親公卿在
廷其信任不若近習之篤中書造命其除行不若內批

之專則陛下之立心既未能盡合乎天下之公矣往者
陛下上畏天戒下恤人言內則牽制於權臣外則恐慌
於強敵敬心既不敢盡弛則私意亦未得盡行比年以
來天戒人言既以玩熟而貪污柄國黷貨無厭彼既將
恣行其私則不得不縱陛下之所欲為於是前日之敬
畏盡忘而一念之私始四出而不可禦矣此所以感動
天地而水火之灾出於數月之內也授大學博士轉對
言太祖之天下壞其半者蔡京王黼也高宗之天下壞
其半者鄭清之也又曰苟有志焉則其紀綱必先正其
根本必先強其藩籬必先固夫然後心廣體胖洋渙而

安仁縣志

卷之八

理學

二十二

優游其樂無極矣舍此不務而徒以九重之深一笑之
適以為樂起視四境外侮又至矣又何樂哉召試館職
皇太子冠差克大常博士進冠箴詔令太子拜謝陞秘
書郎轉對極言邊事以為今日扶危救亂無復他策在
乎人主清心無欲盡用天下之才力以治兵大臣公心
無我盡用天下之人才以強本庶幾尚有以亡為存之
理耳提舉福建常平劾福州守史岩之泉州守謝臯召
為禮部郎官兼太子侍讀尋知隆興府召為玉牒所檢
討官入奏願陛下端本澄源虛已盡下恢大公之道開
不諱之門使朝廷之上光明洞達而無邪孽之根以撓

其正四海之內歡欣交通而無怨戾之氣以奸其和臣
之忠愛莫切於此改秘書少監疏論比年董宋臣蔽燭
薰灼其力能去臺諫排大臣結連克渠惡德叅會以致
兵戈相尋之禍陛下灼見其故斥而遠之臣意其影滅
而跡絕矣豈意夫陰消而再凝氷解而驟合既得自便
即圖復用上下惶惑大小切齒而陛下方為之辨明大
臣方與之和解臣竊重傷此過計也自古小人復出其
害必慘乞休致太子以書勉留求補外以秘閣脩撰知
福州改知隆興府度宗即位入奏言願陛下持一敬心
以正一日度則追養繼孝所以報先帝者必益致其隆先

安仁縣志

卷之八

理學

二十三

意承志所以事太母者必益致其謹其愛身也必不以
物欲撓其和平其正家也必不以私昵隳其法度政事
必出於朝廷而豫防乎多門人材必由於明揚而深杜
乎金幣久之擢工部尚書以端明殿學士致仕卒年七
十一謚文靖贈饒國公漢介潔有守恬于進取有集六
十卷

按湯公在府志理學傳例止應載安仁人乃前縣志
亦因之殊非志例攷前明萬歷寫本載崇義鄉崇正
舊志載田南 國朝癸亥新志于鄉賢傳載安仁進
士類內載湯源墓則仍載田南地名屢易或同或異

今亦未可知第從其最先者載崇義鄉人湯源田南
原同一宗

安仁縣志

卷之八

理學

二十四

儒行

班史列儒於九家復作儒林傳固之所以密於遷也夫通於天地人之謂儒漢唐而下蓋難言之故饒志所紀在安邑者自周文敏吳汝新外不多見焉雖然一邑之大六十八年之久必謂絕無其人持論得毋過刻要之博通六學行必軌於大道即起遷與固而問之亦在所兼收作儒行傳

宋

周文敏號浮雲南橋人篤學敦行不求聞達嘗與周濂溪講性理之學於廬山濂溪甚起敬曰周君自是一團和

安仁縣志

卷之八

儒行

二十五

氣門人侍郎天台劉洪誌其墓曰直氣摩虹古人之風萬卷蟠胸學者之宗

舊志在文苑依府志改入

按文敏在饒州府志首列儒林傳統載安仁人此自府志例也前明萬歷崇正兩舊志實載南橋人乃縣志例也 國朝康熙癸亥脩志復統載安仁人致啓後日爭端今詳查舊志將文敏仍列儒行登載南橋人以斬葛藤邑令魏前後有批在卷

明

吳汝新字勉之漢溪人嘉靖乙酉舉於鄉授德慶州守嘗邑人邵元節以方士有寵於上嘗欲招公一見啖以具

引入內地毋遠行公峻拒之曰生平誦讀謂何甘以章
縫下羽流功遂單車之官諸善政具載封川開建二邑
銘記中德慶地狺獠雜處剝奴為民害前五守不能治
公至練兵設伏覆其巢一州以寧督府上其功晉秩朝
議大夫贊治少尹以親老力請終養歸因徜徉山水建
管峰書院延名儒以造就鄉之子弟年九十猶好學不
倦自號木洞老人著有管峰集通紀摘論存疑漫錄等
書年九十三舊志在宦業依府志改入

國朝

蔡薰字廷芝號東山二十一都東溪人髫年好學盡通

安仁縣志

卷之八

儒行

二十六

五經章句家貧甚事父母色養備至力之所及纖悉畢
陳順治甲申我

朝定鼎開科取士薰以童子首拔旋餼於庠嗣是屢躋鄉
闈益發憤攻苦蒐羅百籍著作滿家康熙丁巳以恩貢
奉部檄入都廷試受教職以歸癸亥春郡守黃公家遴
延脩府志復脩邑志皆筆墨精嚴毫無假借庚午司訓
東鄉冰署蕭然仍以授徒自給遠近士雖不隸学籍者
亦負笈踵至無異其里居時士經指授各有所得以去
所受束脩俸餘除晨炊晚膳外盡以資貧士膏火有時
釜甑生塵自若也暇則登涉山川寄情詩酒士亦樂從

之游大有醉翁同其樂述以文之意月課士無虛旬訓
東汝十五年人文日盛登賢書甲上第者踵趾相望以
老請休邑人士轉呈令長格不詳親詣會城求撫軍始
得請至今歌思不替薰持已端方與人平恕於學無所
不窺湛深經術圖書卦位各有註疏皆根極理要尤精
天官家言推步測驗晰及毫芒備載歷元諸考所著東
蒙集八卷行於世卒年八十三

吳璘都字九儀下坪人戊寅拔貢少孤躬耕養母既從師
猶不釋耒耜時荷鋤聽講課藝日聆題就田間屬草不
移晷立就或負薪亦行吟不輟學書苦無楮墨持盂水

安仁縣志

卷之八

儒行

二十七

坐宅後石上以箸畫之遂工楷法既受知督學王公式
穀按他郡携之分校甲乙無差同時舉拔萃者若浮梁
吳從至德興王邁鄱陽計曰廣史詢皆相推重既而諸
人成進士選庶常或後先雋賢書通籍璘都年最少才
名不出數人下獨困棘闈赴北雍屢試高等升上舍謁
選應得州縣次亦不失掌教又以親老辭不就邑令孫
公躍雅重之再三邀致一見諷之遂選人隊可以佐饗
飡遜辭謝語不及私惟授徒自給非其力一介不取性
嚴潔訾笑無輕冬夏一布袍瓶無餘粟晏如也母夏氏
青春守志年九十餘以色養終同懷兄早世奉寡嫂鄧

氏如母所得館穀均分之必先孤姪而後已爲文不務
俊詭然時多穎思監義必出人意表傳頌甚廣人爭寶
之於四書講義尤精遂手自詮疏盡刊俗解邑中舉孝
廉貢成均食餼有時名者多出其門晚始得一子貧不
自存卒之日幾無以塋門人受業者經紀其後事咸服
心喪三年 以上新入

宦蹟

從來立德立功並稱不朽故子輿氏曰窮則獨善其身達則兼善天下雖歷位有崇卑監功有大小或勲存王室或惠在生民他鄉隆旂林之祠彼土墮峴山之淚而此邦之人莫或覩焉甚缺事也則宦蹟可弗紀乎舊志自此以下及列女康熙癸丑志統號鄉賢唯以小註微別癸亥重脩始明分門類今仍之

宋

董溫其字德潤登宋咸平進士任秘書丞天佑中知制誥尋薦克侍御史居官廉慎貧不能舉喪勅葬於縣治玉

安仁縣志

卷之八

宦蹟

二十九

真臺之阿

周珣字國瑤由進士授迪功郎玉山縣尉討寇奏勲陞承務郎光祿寺丞累轉兵部尚書

吳璧字文炳六歲操筆數千言立就名動京師崇寧三年大臣奏天下化成小子有造上召試辟雍免省試遂登進士第昔年十三歲擢辟雍博士終黃州通判

逢汝霖由進士授大中大夫知江南西路轉運使督糧餉岳飛兵滅揚么有功賜金紫光祿大夫

倪擇字迅之寶慶進士授迪功郎調澧州石門簿以廉慎著轉福建鹽場運幹

張一清字東伯淳祐元年特奏狀元第與尚書湯伯紀為友同應陳力就列不能者止科策伯紀未對一清應劄曰投閒置散乃分之宜任泉州教授陞府推官

明

王溥河南平章石港人詳見武功傳

李經字世常永樂間由貢知山東平原縣廉明清惠政穀洋溢遂遷莒州轉山西叅議卒於官民懷之

李簡字居敬知韓城縣清介自持歸家父壽鬻田易采緞製衣以為壽父怒以為韓城故物叔以情白弗聽盡取簡行篋焚之則入覲文卷也人皆以清白吏稱

安仁縣志

卷之八

宦蹟

三十

周正字子尚由貢正統間任台州府推官綽有政聲丁艱改調金華府巡按考最以廉能公謹稱處州賊寇金華上命文武大臣率師討之正令士卒立寨克敵功居多大臣交章論薦陞本府判後致仕

劉烜字用光號謙齋以春秋中成化丙戌羅倫榜官南京刑部浙江清吏司主事進承德郎後出守廣東廉州府州瀕海阻昔靈山桃花洞賊熾烜甫下車詢及里民備陳其狀遂單騎往視見其地平而寬止少水利遂捐俸為之築壩湧水灌地給牛種後賊遂成編氓立廟祀之改桃花洞為興中里廉民頌之曰悉力為民不減召杜

單騎入虜何慚范韓聞於朝擢福建叅政公恕明斷不為威屈不為私容父九萬贈刑部主事子堪中弘治己酉科舉入官錢塘知縣有善政

周璵字潤夫登進士授車駕主事清馬政明以燭奸吏不敢欺乞歸行李蕭然幾不能存以疾卒貧不克葬士論高之

王傑登成化庚子科歷官岷府長史仁厚成性孝友篤行平居無疾言遠色蓋養粹者由泰寧諭轉助教致仕起岷府長史復告老致仕未嘗以私請托好學不怠年九十三著有禮記臆見等錄

安仁縣志

卷之八

宦蹟

三十一

倪範字景賢官靈山知縣化州知州常有寇猖獗範單騎馳之諭以禍福寇悉散民歌之曰倪公範色黯淡汾陽誠子龍膽

洪祉字天惠忠宣公十二世孫官建寧訓陞龍川知縣清介愛民百姓塑像祀之卒於官有絕吟曰此心未始負皇天何事皇天不念憐為國為民成往事但留清節播龍川刻有清節詞錄

徐頊成化中任魚臺縣丞嘗萬妃寵冠後廷宮人紀氏得幸有娠生皇子實孝宗也未幾紀氏暴卒頊自魚臺解馬至京遂上疏請究皇妣紀氏薨亡之由以復不共戴

天之仇疏下內閣大學士萬安劉吉皆不欲行直曰此本不出項必再言遂令禮部覆議禮部請拘究萬家戚屬賴上明怒得從輕宥初皇妣之薨也朝野皆以為貴妃故項一旦言之與萬氏往來者莫不震恐朝廷將官項項拂袖歸見通紀

姜桂字廷秀號文峰志之孫中弘治十二年己未倫文叙榜任邵武知縣陞柳州知府以廉明公慎著初桂為主事奄劉瑾求桂為援桂決志不從以鯁直拒瑾已選獲州而瑾改選柳州興利革弊百廢具舉不私一錢民懷其德及瑾敗廷僚交薦以老致仕一肯感高其行

安仁縣志

卷之八

宦蹟

三十二

倪政字邦直以歲貢授馬湖推官政至誠動人其俗以變凡有利於民者力為之尚書謝一夔銘其墓曰爰巔達末圭潔靡蠅

湯經由選貢授西安丞陞嘉定州判官西安失火經曰政之不脩盍禍丞身民窮甚矣向火再拜火尋息述職京師因陳三事一曰崇聖學以弘治道二曰實邊儲以資軍餉三曰復言官以勵臣節上優詔賜答

陳瑞字用祥弱冠補邑庠會瑞昌藩府選館甥竒其狀貌魁偉尚郡君赴京朝見誥封朝列大夫肯館甥皆怙侈瑞獨恬雅推常祿以濟親友延攬有道以助庭訓子道

亨總角博記群書丙戌廷試江西第一咸謂瑞晚年得子親見其成為令德之報壽八十七

吳汝新字勉之漢溪人詳見儒行傳

桂轂字伯運舉人華之子大學士萼之姪也幼英敏好學中嘉靖戊子科屢赴試不第因授邵武推官刑平而無滯獄歷任趙州知州台州府同知耿介廉潔不媿家穀知府王扁其堂曰如玉君子

吳元璧號石峰嘉靖戊戌會魁初使江南監決以方鯁中貴人亂其批號謫判楊州全活饑民數萬平服泰州鹽徒歷興化同知山東僉事整飭青州兵備以平賊有功

安仁縣志

卷之八

宦蹟

三十三

撫院交章尋陞廣西左叅政荔浦立廟祀焉著有平蠻集

桂軌字仲行號信齋賦性剛直潛心理學中嘉靖庚子科屢上公車以數竒授龍泉縣昔邑內田糧欺隱民苦其弊者多甫下車即釐奸剔弊而積習頓革自是民無賠納之累又海寇不肯捨掠龍民幾無寧居軌至選精壯鋒器械扼險要復以竒計挫其鋒昔寧波之定海頻年亦苦于海寇逃亡者過半軌受命署縣事堵禦之法一如龍泉民由是慶安堵焉至杭之富陽據長江上流當兩浙要害邑無城郭海寇猖獗素稱難治當事以軌之

才智練達報最稱職調知富陽事至日請建城垣民初以費繁恐軌敷賜示衆民感其德遂鼓舞從事而功成不日他如通水利闢田野均賦役次第舉行其所加意者闢廟壩之左為尊經閣一所依齋廡之旁葺號舍數十楹令師友講學於其中而生儒肄業有其地期望剖析經義歲昔考課工程造士愛民歷三邑而如出一轍焉恩賜銀幣行取主事未任卒祀三邑名宦著有三邑集

毛雲鵬號九凌姿穎敏幼服庭訓讀麟經剖晰疑奧為文醇雅暢達騰譽一昔中天啟辛酉舉人授郴州永興縣

安仁縣志

卷之八

宦蹟

三十四

興僻處山嶠好器訟素稱難治雲鵬整身率屬化之以德民服教格心澆風衰息有虞芮之風興有疑獄五按屢經審錄莫能平反雲鵬虛公詳慎率得其情為申詳直指使者余悉如所讞凡活大辟囚五人城垣塌甚守禦為難公捐俸鳩工增雉堞完要塞留兵固守監司欲裁兵公以去就爭之崇禎十年賊攻永興賴城守完繕賊不能破肯俘斬賊首二十四名擒獮餘散無筭學宮頽圯拮据鼎新廟堂門廡悉增飾于舊其留心政治類如此至寓撫字于催科存哀矜于聽斷凡火耗贖鍰一切陋規不入一銚洵吏之廉而能者與昔有三楚循良

之譽

程民是字先民沉心學古尤精於易中天啟甲子科任杭之新城與民同患昔縣治西火災風烈甚民是誠心懇禱風息火滅一縣誦其德先邑苦于旱民艱于食卑騎遍歷作堤築堰以灌自是民無旱苦家饒裕焉又有父客于外獲厚貲歸被盜串告多人辰卜易得井之三爻因諭室之西隅有廁物在其中果如所諭受告者免累家祀祝之司理黃端伯稱為神君歲考校有幼童袁英閱其文奇而賞之拔居首月給米餼遂登進士知人之譽嘖嘖杭城報最循良再任封贈如儀

安仁縣志

卷之八

宦蹟

三五

金鼎字彝孟少穎悟由拔貢選廣東曲江縣值楚省流寇犯郡界巡道王孫蘭譚縊鼎請度兵度柳桂襲其尾粵兵禦宜章折其衝增城繕器儲糧團練力為之防寇不敢近又黃村土寇連猺寇剽畧累年鼎開陳大義諭以禍福俱就撫且感而建祠有曹溪卓錫泉涸百餘年鼎齋戒檄祝其泉遂通陞工部主事巡嶺南值春秋高遂隱寓仁化茅坪几十餘年曲江之民視如父母著詩集四卷佛氏選言八卷後道通歸家囊無一錢灌園自給怡如也卒之日貧不能殮士論高其廉介云

國朝

官朝佑字名卿幼英卓試輒冠軍從無棄卷以歲貢任貴溪教昔鼎定初貴士輟絃誦者幾經年朝佑至力為振興捐俸脩理學宮每月課士寒暑不倦一肯知名士咸出其門與貴邑侯汪君最相得適有庠忤汪君欲責於庭朝佑厲色以止曰責士於學宮舊例也今責於庭作俑者不自予兩人始乎汪顏齊并謝愆其寓方正於和易者如此至今造士之譽猶嘖嘖薌溪焉

陳匡國字遜九幼博學通經史補弟子員忽一日慨然曰大丈夫事業不必盡在筆硯間也遂習武中順治甲午第二名寓都中數年精韜畧中戊戌進士授福建左標

安仁縣志

卷之八

宦蹟

三六

守備以防海功陞雲南鶴麗永北鎮守備士卒强悍匡國寬嚴相濟士卒不敢犯陞陝西漢興叅將未任會滇變棄家口易姓名潛居僻地子英奇冒險萬里尋歸中

康熙辛酉舉人

以上舊志

吳底柱字石君號西崖十六都嵩塘人由康熙丙子舉人官湖廣沅陵知縣署辰州府同知事辰為苗疆沅居首邑先是諸苗間多仇殺勿靖柱開誠訓化遂彌首相安值歲饑鄰封難民載道柱設法賑捐詳給路引皆坦行無阻邑有鐵廠陋規積為民患舡票有稅商旅苦之槩為詳免士民有清風廣被濊澤旁流之頌時舉行計典

巡撫布公以仁心實政德教可嘉旌之郡守汪公方以卓異薦因老請休闔境如失怙恃涕泗攀轅不忍去刻有治沅紀畧傳世

毛家祚字福凝號十夫洪崖人歲貢任德化訓導博極羣書隨叩輒應勤於課士師道方嚴德為海江首邑監司郡守權稅部使者咸加禮焉先是其伯兄家禧以甲子副貢官瑞昌諭溥之支邑也教思在人士子爲立永思碑及家祚訓德邑八載清介益堅陶淑益廣郡人有大小毛公之頌以老乞休貧益甚時缺晨炊怡然自若徜徉於里居者又數載再舉鄉飲正賓邑大夫造廬敦請

安仁縣志

卷之八

官蹟

三十七

卒年八十有八遠近赴葬者沓至門下士半皓首蒼顏匍匐哭失聲尤爲僮事郡守戚公振鷺乃其門人鄭冠分校浙閩所得士也爲之銘

以上新入

補遺

官泉字仲昭號遲山中成化二十三年費宏榜官直隸真定府晉州知州丁憂復起改全州知州刑部員外郎郎中廣西平樂知府浙江叅政敷歷中外悉有政聲以老乞致歸弘治十六年進階父令韶贈奉直大夫母劉氏繼母蔡氏並贈宜人妻吳氏亦贈宜人

姜志字用正號雲木洪之裔桂之祖宣德肇元天官考功

量德由貢擢授直隸蘇州通判署本府太守印到任時
據發素蘊卓有政聲郡皆德之謝任時合郡歌云姜公
去誰來繼遮道攀轅不可留鴻飛公所歸何地壽年七
十有三

忠孝 義士附

存天地之正氣者唯忠與孝夫子作孝經而不作忠經亦曰移孝可以作忠故求忠臣必於孝子之門也彼舍生取義者又何異焉自明以前安之臨難死綏間閔救父者亦既光於汗簡矣後有所謂割股奉親捐軀罵賊者亦遞為附益蓋垂訓將來多多益善也

舊志

宋

張日新若峰人皇祐間為廣西邕州都監儂智高陷邕日新力戰不支被執不屈死

安仁縣志

卷之八

忠孝

三

張孝忠生有膽畧通兵法善揮大刀宋將亡集義勇數百人慷慨勤王力圖恢復奮不顧身賊至遂戰於團湖坪衝賊格殺數百人賊少却復集兵大戰力不支下馬轉鬪數合死邑人立廟於城內之北隅以祀焉

陳學心長城鄉人淳祐間進士任高州知州謝枋得起兵復安仁學心守之元騎兵至戰死見一統志

元

王銓字伯衡登進士歷太常丞麗水令分省員外郎温州守肯温州受兵銓被執不屈公服坐堂上受刃死其女聞之亦抱子赴水死

黃復圭字均瑞至正兵起復圭陷賊庭為詩罵之賊怒剖其腹復圭罵曰腹可剖赤心不可剖遂死之

明

金玉諧字慶明幼穎異博極經史試輒冠軍由恩選授四川成都判署府篆嘗流寇張猷忠擁眾圍城諧集兵固守久之力竭知事不可為召家人語曰城存與存今城將破矣奈何辱於賊乎遂自盡后城破家人四十餘口俱沒於難已上忠臣

王溥以饒信干戈紛擾奉其母葉氏避其貴溪倉卒間母子相失凡十八年是歲正月忽夢母若告以所在命卜

安仁縣志

卷之八

忠孝

四十

者筮之其繇詞曰非岩即穴朽骨是藏及是溥言于帝曰臣之父晉母葉氏實生臣溥及弟漢寶而臣不天父棄諸孤早所恃者吾母以長以教故臣兄弟粗有成立而母亡已十八年微臣無功獲事陛下此者推恩褒崇三代假寵于王氏甚厚獨念臣去鄉邑倘賜之告得歸展省止墓以伸私情臣不勝至願帝為惻然命儀曹具祭物給之溥即日回家躬率士卒詣貴溪之桃源山向母舊嘗避其處伐木入山以物色求之不得夜號者三日乃得其居人吳海能言賊其逼嘗夫人病不能行即自投井中死矣溥又披榛棘尋得井俄有鼠自井出躍

入懷中旋復入井汲水索之葉氏遺骸果在溥哀號益不自勝乃具衣衾棺槨即其地葬之雍正七年奉

旨旌獎孝行人忠義祠

倪蒼字素良洲頭人父運糧獲罪擬死當決素良從戎于

京擊登聞鼓以身代父上宥之父子俱得免

勅賜忠孝傳家柱聯

劉光祖羅村人父有中開平教授因亂阻官所二十餘年光祖尋迎間關五千里遇於東街父子相持而泣鄭子夔有詩云世道捨攘海變桑斑衣誰復戲中堂有如饒郡劉光祖無愧楊州朱善長雪霽燕山催征馬風生鄱水送歸艍從來孝行通天地宜有五枝丹桂香

安仁縣志

卷之八

忠孝

四十一

倪珏直馬岡人父運糧獲罪當決昔擊登聞鼓乞身代上宥之

劉士鵬字廷弼港西人屏山先生裔孫自幼業儒矢志孝養父疾篤焚香禱天願以身代割股和藥進之父疾遂愈邑侯熊公申詳各憲給冠帶賜扁敦行務本父沒廬墓三年哀毀骨立奉母唯勤以色養終

國朝

吳湯生漢溪人性穎異通經史大義輒以忠孝自許年十三母趙氏跌傷腿潰甚醫術窮謬云人肉附之可愈湯不忍親痛顰天虔禱剖寸肉佐藥母服之果效康熙十

四年冬江霧山賊掠安仁湯與兄洪生奉母先避父士
驍遭賊于家被縛洪生聞變還赴請代賊併縛之湯馳
至號慟哀懇願代父兄命哭聲震天地賊衆相顧錯愕
至有泣下者賊弁引義斷曰子代父弟代兄古有之宜
拘小者乃釋其父兄止縛湯湯從容曰以父母之身為
父母死吾無憾矣入營中且泣且罵遂遇害昔年十七
歲康熙十六年里鄰上其事郡大夫黃公扁曰彷彿融
翊知縣侯公扁曰孺慕特哀為作長歌胡公扁曰仁孝
性生正公憐其髫年而能曉大義扁曰孝義可風兼為
詩以輓之已上孝子

安仁縣志

卷之八

義士

四十二

義士

宋

周輅字乘之由貢授滄州訓致仕家居遼郡賊奄至執之
擁上馬欲以為策士輅厲聲罵曰我讀聖賢書食君上
祿豈肯與汝狗盜處耶賊百計誘之罵愈厲遂遇害

國朝

彭允升彭坊人庠生康熙乙卯賊踞邑城允升團練鄉勇
禦賊被執勒招降所聚鄉勇允升不從遂被害支解其
體鄉人義之為塑像祀本里白土廟雍正七年奉

旨入忠義祠已上義士

吳勝字德茂號洪爵十六都洪崖洲頭人體魁岸力絕人
捷足善走能於土塊田中捉迅犬幼從戎以功補把總
康熙十四年六月二十四日新城縣石峽兵變賊將逼
城勝以單騎突出同事力阻其行勝曰臨難而怯非夫
也躍馬渡橋手擊殺多人賊以利戟刺馬人馬俱墮橋
下時橋下先伏十餘賊俱為勝殺退即徒步衝至石峽
奈賊散復合後兵莫繼遂遇害康熙間奉

旨優恤子天貴膺襲千總雍正六年復奉

旨恩賜勝入忠義祠永享春秋二祀

忠臣補

文苑

道之顯者謂之文固非炳炳烺烺務采色誇殺音而以為能也錦江玉壘山水秀麗篤生英人自宋迄明如吳子嗣史春湖陳士業諸公有以政事著者即有文學著者彼政績既炳烈矣而文以載道顧可使之湮沒不傳乎因列為文苑

舊志

宋

周文敏詳見儒行傳

吳紹古字子嗣官茶鹽幹辦承直郎作玉真書院陸象山

扁其堂曰經德紹古象山門人嘗與象山辨論喪禮及

安仁縣志

卷之八

文苑

四十四

文章理氣俱燦然條貫徃復八篇載象山集中

元

張翥字仲舉其父晉江人任安仁典史流寓於此生仲舉

幼豪曠喜音樂一旦翻然易業受業李仲公張立仁之

門博學善文由國子監助教累官至翰林承旨學士封

涖國公有詩文名

史履庸號春湖黃塘人咸淳癸酉擢鄉舉天性曠達博涉經史文思敏捷以詩歌鳴世

李會卿集賢坊人有司推為邑三老以勵風俗博學篤志敦尚孝友脩遠碧樓以奉親虞文靖有記張仲舉有詩

明

吳穎重字子固漢溪人幼聰敏博涉羣書尤究心春秋與胡敬齋為友吳康齋大書麟經軒三字贈之

陳弘緒字士業崇禎間薦辟官晉州守有傳詳見藝文志
毛九苞字儀仲號水石官塘人由貢監中萬歷癸卯順天經魁天材穎邁博極群書於蘓長公外集竄為得力親為校正為文典雅富麗工詩賦超軼絕塵尤精于藻鑑判楊州昔攝府篆試童子黃太玄冒起宗等一見稱異拔之前列七名俱幼童文尚未成篇公皆決其大成延入署內教育數載後登進士者三舉人者二選拔者二

安仁縣志

卷之八

文苑

四十五

知人之譽噪於南都

陳家學字文瀾積學攻苦為文真實典雅根究理奧每試冠軍年六十四獲與恩選蓋理真詞簡其得力於研窮者深故終當壓倒元白至其急人之急與不交遊富貴利達落落自遠洵士林之傑出者與

國朝

桂郎字玉郎山後人質穎異賦性曠達於遊玩之餘攻苦益力試輒冠軍為文構思奇特必求出人意外意表而止登辛郊科屢上公車以奇見詘因絕意仕進潛心古學每構一草競相傳誦有紙貴之譽以兵燹而其稿不傳士

人惜之

陳曦字震生璧聯山人性樸茂制行醇謹有教學校初以貢授東鄉玉山訓力學攻苦如諸生昔中丁酉舉人偕計公車者四選分宜諭不赴雅志恬退唯日以授徒講菀為事洵一代醇儒也

李長發字景明禮坊人庚子舉人聰明強識過目成誦家貧不能購書輒從友人齋頭披覽記憶歸而錄之和易宜人盎若春溫為文清真淡遠不屑時芬任進賢諭視諸生如親授業甫期年卒于任士人莫不傷悼

毛羽字羽玉號洪谷十六都鴻崖人幼孤事寡母以孝聞

安仁縣志

卷之八

文苑

四十六

受業艾千子高弟樂定一之門行文出入於唐宋諸大家不染時趨尤工詩賦甫冠以寸晷四藝受知督學邵公首補郡弟子員旋餽四十人中歷諸生二十七載試輒冠其曹偶戰棘闈得而復失者三然毫無隕穫意性醇懇言筴取與不苟授徒立條規闡明性理務為有用之學遠近學者宗之爭相延請舉比所及幾遍饒撫諸郡藩司盧公招入署一見稱為醇儒餽以金繒不受嘗語僚屬曰安邑毛生真學道君子也五十膺歲薦督學介庵劉公拔為貢元授州學正不樂就以明經終著有和九堂存稿大學傳心錄經史摘要及歷試草子廩生

汝瑗績學工詩文品行端方傳其家學膺雍正年間恩貢再舉鄉飲大賓有梅亭草行世

吳洪生字宣子號子半漢溪人生有夙慧年二十餼於庠試必冠軍時初復八股文體卑弱無可意者惟洪生以通經學古爲務爲文空所倚傍時出入於先正大家以驟馳其才而培養其氣父士驢任新喻訓導與偕往值邑令季考生童數百卷屬其論次漏二鼓始入天明已竣事甲乙咸當復令作程式卽席揮毫文不加點令爲狂喜揭之甬牆新喻人士傳寫紙爲之貴顧豐於才而嗇於遇戊午庚午兩薦元俱以後場避忌卒報罷晚膺

安仁縣志

卷之八

文苑

四七

歲薦人多惋惜然竊其文以弋獲者多矣性孝友甲寅之變父爲賊所執脅之助餉不則將加害洪生與弟湯生哀號爭以身代賊竟殺其弟父得脫家遂中落資館穀自給然聚書常不惜貲鴻文秘冊多藏其家好學至老不倦於古文不苟作亦秘不肯示人制義則卓然名家今當天崇時當於羅艾間置一席矣年六十卒無子以弟子嗣

李六觀字我生號鏡懸十三都禮坊人天姿穎異一目數行童子時卽癖於學爲文自據性靈空所倚傍謀篇不事起稿有倚馬才凡短章醉墨落筆皆爲人所愛弱冠

受知文宗邵旋食餼四十人中冠軍者數十次芝郡名
流咸爭慕焉家貧舌耕雲錦繡谷東汝薌溪陶鑄者甚
衆至族間子弟尤多裁成襟懷磊落所作文不自藏稿
多爲人携去至今膾炙人口以記誦弋取功名者多矣
性嗜酒喜弈雖曠達不羈然纖毫不踰繩尺幼失怙恃
賴叔與孀教養後奉叔孀如雙親生則晨昏無間沒則
喪祭盡禮都人士罔不帖服稱道卒年甫四十又乏嗣
彼蒼之報善人固如此哉

隱逸 者壽附

堯舜在上下有巢由隱逸之高古來尚矣前志所紀若李仲公之薦辟屢辭吳尊光之安車不赴皆為世所求而無求於世者即百拙鄧生篤行著書不求聞達亦非捷徑梯榮聊為克隱者所可矯托不則標名身後徒為顯者先世山林甚或試不合於有司始決然捨去此則憤世嫉俗匏落無容者耳漫云高尚其奚取焉

宋

連鰲字仲舉別號石臺積學工詩其古律則溫純絕句尤

安仁縣志

卷之八

隱逸

四十九

切寔呂本中稱其律曰如春風和氣無不係於造化韓駒謂其絕句如漢二十八將將將論功惜無傳稿蓋不欲留名云

陳宏字交翠長城鄉人累舉孝廉不起教訓鄉之子弟

元

桂梓號秋山山後人事父母至孝喜讀資治通鑑隱逸不仕初朝廷以饒產金募民輸金以當賦稅父而憊甚逃絕數百家乃與邑侯謀立均金之碑民甚利焉揭傒斯贈有詩尚書雒陽楊公為大書秋山二字揭樓之楣

李存字仲公詳見鄉賢

李卓字立卿仲公之子天資高邁出入經史昔人以其克繼父志亦以竹庄先生稱之貧不求仕教授里中子弟有詩文藏於家

倪道原字太初白堊人工於詩文後遊賢勝地沒都下朝廷貴重而葬之題曰江南吟士之墓有詩集行于世

張子東名耿若峰人好文工詩書法尤為肯尚諺云李作公文黃君瑞詩張子東字稱為三絕

上官景文名僕榮祿鄉人好學工詩善琴

烏石公西隅人年八十耳目聰明鄉飲九次李仲公跋其集有傳今逸

安仁縣志

卷之八

隱逸

五十

吳謙字尊光嵩塘人受學陳立大與祝蕃遠舒元易李仲公在竹庄書院講明性學號江東四大儒朝以安車元纁聘之不起依土為廬結草為坐著書立言有尊光集易經註疏傳世

明

蔡衡字思平山後人窮經敦行大司馬孫元貞扁其堂曰懷德昔遂稱為懷德先生

桂芳字子揚山後人孝友淳厚尤精周易學者宗之稱為東山先生壽八十餘屢舉大賓

吳鎬字西澗漢溪人幼喪父與叔同居事之猶父叔二子

鎬尤友愛之後叔子固求分析鎬不得已取貲產三分之一餘悉以歸叔子族黨高其義讓尤工詩文刻有西澗集

陳秉讓字振初璧聯山人樂善好施遇歲歉竭貲以賑地方賴之延儒講學造就鄉族子弟不少念邑侯鄭明選嘉其行誼達部授儒士卒年八十二子曦中順治丁酉科舉人

鄧志謨字景南竹溪人好學沉思不求聞達著有古事苑事類揆錄黃眉故事白眉故事諸書行世自號為百拙生其人弱不勝衣而胸藏萬卷衆稱兩脚書厨臨川湯

安仁縣志

卷之八

隱逸

五十一

顯祖嘗以異才稱之

國朝

吳曰聖號狂屈溪溪人性直諒不為詭隨居鄉族以整躬飭俗為任不事榮進樂志正園年臻耄耋猶手輯前賢格言不倦興屯副使翟鳳翥嘗禮其廬以恂恂宿儒稱之題其堂曰三樂所著有餘慶堂雜著諸書

耆壽

宋

周慶宗號綵衣翁文敏之子好學善文受經陳搏深造其術壽一百二十六

國朝

邵德新鄉黨以孝稱壽一百三歲奉
旨賜粟帛知縣程公瀚扁齡高德劬

周尚德字若人號聖嘉七都炭埠人天性孝友甲寅之變
遇兵急追一家衝散母老弟幼扶挈萬艱兼失父所日
夕號泣力供母弟自常飢乏後三月始遇其父終身色
養不衰至今年老猶曰吾欲如逃難日覓食供親得乎
故每值父母忌日齋戒流涕至已身誕辰雖九十亦不
受賀與其弟尚文同居終身式好勤樸務本居近城市
未嘗輕入日宣古訓以勗子孫另置學田延師創塾資

安仁縣志

卷之八

耆壽

五十二

助來學凡架橋修路建亭施茶歲樂為之為人和易耿
直眼觀五代八十餘人內外秩然邑人士咸以為今之
綵衣翁云年七十時舉鄉飲邑侯管額其堂曰耆英高
範年九十七時邑侯魏以盛朝人瑞扁嘉之

徐金章字以信號獅崖石溪人邑增生來泰之父學司訓
南傑之祖也生平樂施好善古貌古風享年九十兩膺
朝領絹帛邑令祖彭給年登珍問扁額曾孫勳冕俱列
膠庠僉謂三代衣冠皆壽翁碩德之報云

吳曰貴字文郁二十四都人性朴茂與物無爭識字不甚
多而知大義甲寅閩變家徒壁立力穡養親人稱其孝

創別墅以課子顏曰課文樓族中貧而能學者恆拉入而陰助之至里中有不平事輒面剖其是非雖至親無少回曲人亦咸服而去以故蹈匪彞者常唯恐令其知也子三長兆奕康熙庚子舉人幼兆雲邑廩生邑令宋公汝梅舉鄉賓前學院李公鍾僑扁其堂曰太邛令範太史聶位中贈九袞壽言有敦厚淳龐砥柱末俗之頌者婦

黃氏十一都藍田儒士李龍仁妻淑慎幽閼克盡婦道事舅姑甚得歡心相夫力有內助訓子禮維誠慤至老不倦有子五人長夢庚幼夢日俱文學有聲庠序中子萬

安仁縣志

卷之八

耆壽

五十二

星國學生孫十一曾孫十九元孫五眼觀五代本年十月百歲現在詳

題建坊

張氏鄉賓周曰旦妻乘亂自若峯歸端莊飭身勤儉持家奉舅姑委曲將順夫無兄弟被人欺陵輒婉言勸釋教諸子尊師禮賢一出誠心姻族貧乏者常行賑憐一生備歷艱辛至老眼見五世屢膺朝賜絹帛耆年加倍九十時學憲林公以頤壽恒貞扁賜之姚西翰林聶諱位中祝以壽扁其堂曰天壽母儀卒年九十二

傅氏

洪崖邑庠毛鼎新妻邑廩國佐母年九十三壺範不
可勝紀餘州知府翰林沈李楷贈有晚翠留春四字

武功

安當兩宋盛時士沐詩書民安耕鑿雖有智勇辨力為天民之秀傑者亦皆循所業以自靖故文物炳然而武功未著洎元之季羣雄角逐明太祖起淮右布衣遂膺大寶一時結里閭相保聚者卒能擇主而事樹績旂常若王平章溥者鞏固維桑到今廟食方之田疇殆猶過之蔚然人傑矣入我

朝

世祖龍興疆開海甸

仁皇嗣武寇靖三藩雖指使發蹤悉稟

廟謨成算然遭時

安仁縣志

卷之八

武功

辛酉

遘會亦師武臣宣力效忠之日也維時僂力行間安邑亦間有人一戎底定酬及偏裨孰謂貂蟬不自堯鏊中出哉因列為武功

王溥石港人初仕陳友諒守建昌弟漢二亦為友諒守將明太祖南征嘗命師取建昌不克歲辛未朱亮祖率兵擊溥溥以兵拒戰明師不利六月友諒將李道明寇信州胡大海引兵來援破之擒道明并漢二送之朱文忠所文忠令招溥復送建康太祖命皆仍舊職八月太祖率師討友諒取江西以二人為鄉導江州既拔友諒子理奔武昌遣使來降仍俾溥守建昌已而隆興守臣胡

廷瑞亦具書納款壬寅太祖至隆興溥率衆來見太祖
慰勞之尋遣取撫州及江西未附諸郡是年元張杲之
來溥遣人報於太祖甲辰從克武昌遷資善大夫中書
右丞洪武元年功臣晉秩溥兼副詹事從大將軍克
平山東河南燕冀三年克陝西天下既定論功行賞陞
河南行省平章令食祿而不視事子孫襲指揮同知歲
祿七百五十石於官田給與後卒於官

國朝

孫雲鳳字克明號鳴宇羅村人天姿豪邁體貌魁偉攻韜
略長弓馬膂力絕人幼失父母依伯父以成立順治丙

安仁縣志

卷之八

武功

五十五

戊大兵南下執其伯父隨征雲鳳以伯父年老慷慨願
以身代遂從戎至粵東以開廣之功授經制把總分防
澄海為海寇鄭芝龍所獲禮遇甚厚授以副將雲龍不
為屈破舟而遁至湖廣襄陽府隸劉總鎮標下隨征恢
復保康縣加千總康熙十三年隨征復興歸等處州縣
陞守脩康熙十六年又隨征四川復巫山夔州等處擢
叅將十七年移鎮廣東瓊州任瓊七載士民懷其恩威
生辰日為錦帳壽衣以祝二十六年告休優游林下卒

年六十八

莊名亮字實先十三都泉州人初隸楊麾下為楊名後奉

旨改今姓名幼從戎饒智勇修力行間康熙十一年分防
貴溪甲寅閩變賊逼信州亮從間道赴省請兵隨同巴
額二大將軍克復饒廣鎮守餘干擒賊首黃尚志多守
禦功餘干人為立去思碑紀功德焉旋分防廣信兵民
安輯陞任本省撫部院中軍歷陞固原州副將卒於官

列女 竄淑附

婦以節顯亦以賢重故子政傳列女雖尚清貞亦收
令淑即范史所撰次亦唯才行高秀不必專在一操
然賢固不願盡以節見而節則未有不賢者也安邑
謝女之孝烈固兼賢節而一之邈矣難企後之嗣風
而起者大都斷脰而遂志截耳以全貞迺至無子而
矢靡他立孤而延危緒和熊勵讀劉薦雷賓凡皆由
婦而母以節成賢者幸而克家有子力可上聞固已
烏檠連雲明裡不替矣舊乘新編古今為烈至若窮
簷苦發飲泣吞聲枝葉凌夷表章無力亦不忍聽其
與草木同腐擇其業經詳請格於年例者間附一二
以為後勁

安仁縣志

卷之八

列女

五十七

節烈

宋

李氏東隅梅山之女謝疊山先生配也疊山授江西招諭
知信州德祐初起兵守安仁敗績遂奔建寧李氏攜二
子一女匿貴溪山中元將武良弼以枋得豪傑恐其興
復乃百計購兵捕之及其家人下令曰苟不獲李氏屠
而墟李氏聞之出就捕送江淮行省拘於揚州獄中時
總兵某欲娶之李撫二子泣曰若輩生還鄉里事吾姑

吾不得終養矣是夕解裙帶縊死於獄女亦死二子得還諺曰一門死節世豈有雙

謝氏通判周銓之妻疊山先生女也聞母李氏死於獄父與夫同就義於燕乃悉捐奩貲作橋橋成投其下而死鄉人義之因名其橋曰孝烈

元

李氏仲公女仲公避兵臨川遂以女歸臨川艾子高生子在襁褓兵猝至李與夫潛於室後遺子於寢李謂夫曰吾入室取兒至室被兵執欲污之罵勿從遭兵死兒猶在懷中

安仁縣志

卷之八

節烈

五

饒氏周仁傑妻至正丁酉苗獠兵起舉家避難遇兵於陽嶺被劫欲污之饒氏義不受辱罵不絕口而死

王氏銓之女銓守濫不屈而死女聞之亦赴水死元哈喇沙祭之曰潼川王氏一門雙節父死於忠女死於烈千古之下炳如日月薄奠告成念之嗚咽

明

江氏貴溪人官伯賓妻年十九伯賓卒孀居無子紡績自供不輕言笑年五十餘而卒鄉人稱之謂有敬姜風王氏李接武之妻年二十四而寡逾兩月生子信終喪後姑以微言諷之泣謝曰夫亡不可適姑在不敢背子幼

不忍棄自是惟以養姑育子勤執女紅爲事孀居數十年堅守婦節始終不逾鄉里尚其行扁其堂曰志節卽中辜顯有記

蔡氏易振妻姚源賊起掠其家執之併執其從子蔡度不能免給其賊曰放此幼子執之何用子去又曰吾有金釵在窖中與爾俱取賊不疑解其縛遂投水死督學王公表其墓

上官二烈女官坊人長白玉年十九幼鸞玉年十八正德間東鄉劉賊奄至其家二女裁不受辱俱赴水死叅政白公給事黎公具題奉旨官氏二女不受賊汚貞烈可

安仁縣志

卷之八

節烈

五十九

嘉有司旌表門閭風化天下

倪氏珪之女歸夏立夫年二十六病革囑曰吾死子幼汝無所倚宜再適倪泣曰蒼天蒼天良女豈有二夫卽截右耳以自誓孀居六十如一日徐齡有傳

蔡氏恪之女桂標妻歸甫一歲而標亡蔡年十六撫標弟子爲嗣寡言笈母家雖至近亦不輕旋貞靜嚴恭始終如一嘉靖七年督學趙行縣奏准部咨旌其門督學蔡王各嘉獎卒年八十二

楊氏黃國臣妻夫早喪父母欲奪其志楊氏沐浴具斂服自縊於桑知縣汪濟民上其事屢膺旌表

倪氏王之女適東鄉縣樂其夫有醜行倪乃數其夫曰若非人所爲有夫如此不如死乃三日不食瀕死送歸母家遂與夫絕盡剪其髮紡績自給年踰五十無異初志東鄉給事中徐良傳作傳本邑侍郎張鉞詩云滿頭怒髮年年短孤枕清風夜夜寒

徐氏鉄山周張佑妻縣丞頊之女夫早喪厲志守節母使媒奪其志徐氏引刀刺媒媒遯去知縣徐給扁獎之每月米一石及春夏秋冬布清江督學教公英傳其事

倪氏東隅生員劉以仁妻年十八夫喪撫七月孤剪髮矢志事姑盡孝訓子業儒屢經旌獎前明萬歷辛卯禮部

安仁縣志

卷之

節烈

六

侍郎于奏請奉勅給銀造坊賜額貞節本朝康熙癸巳蒙學憲冀公霖助俸重修坊成遣官詣坊所致祭文曰忠孝節義聖朝所旌惟茲節婦貞潔如新坊表奕世廢而復興操行不泯其神式憑云

劉氏李氏雙節姑劉王璽之妻媳李王景之妻璽弱冠食廩早沒劉年二十四誓不再適撫三歲孤景及長娶李氏生子師元師愷景又早沒劉志益堅日與媳李氏相與蓬垢汲井辟纁易食艱苦備嘗年俱至八十邑侯謝旌以王門雙節子師元登嘉靖乙卯鄉薦師愷邑庠生邑人吳榕有傳

熊氏吳穎安妻二十守節媳曾氏年二十二姑媳雙寡姑
曰予以未亡之身義不可去汝欲蹈予行難矣媳曰姑
有義媳獨無義耶姑媳雙節叅政周英有傳縣志逸據
府志補

吳氏李張之妻年十九夫亡父母欲奪嫁破額矢志紡績
事姑保孕士賓長遊庠校年踰八十屢膺旌獎按院奏
題建節孝坊

曾氏吳璞妻年十八歸璞姑熊氏少嫠事之唯謹生子錫
在襁褓而璞卒矢志冰霜嘗曰姑能守貞以教予夫子
亦必守貞以訓吾子乃自識其堂曰思貞鍵戶紡績足

安仁縣志

卷之八

節烈

六十一

不履戶闔惟一老婢供使令七十餘年始終一日道院
旌之有思貞堂記都諫于聰作詩贊之

熊氏倪鍾岳妻岳以廷試卒於京熊氏年纔十九父母命
改嫁不從孝事舅姑孀居五十餘年久而不渝知縣田
公啟申詳道院給扁旌之

國朝

吳氏夏士祥妻漢溪應斗女也為亂兵所執不從逼攜上
馬奮罵不絕時提攜一幼女哀鳴攀拽竟擲棄道旁不
少顧戀遂赴河而死

宋氏陳露妻納采之後露往滇久而不返宋年二十餘父

母欲改適翁姑亦允之宋泣血誓歸陳事舅姑唯謹嚮
衣裙簪珥得數金雇入走滇尋夫抵家生二子露又早
亡宋氏年甫三十撫孤成人操持嚴肅卒年八旬
馮氏倪天和妻夫早喪立志守節被土兵捉獲欲污之大
罵不屈賊怒遂三截其尸而去時年二十九

鄧氏夏榮妻爲亂兵所獲逼之上馬不從挾之以行氏至
水涯處跳入水死學士以詩挽者甚多

夏氏吳雲龍妻避兵山巔被獲強欲污之不從且罵口不
絕爲兵所殺鄉人義而惜之

蔡氏李正實妻同夫避兵被獲欲殺之蔡願以身代夫死
安仁縣志

卷之八

節烈

六十二

夫得生歸蔡亦自盡

湯氏畫橋人舉人啓祥女適萬年陳慶甲寅之亂被賊執
欲污之湯罵不絕口遂引簪插入咽喉而死時年二十
四

鄧氏易明學妻順治丙戌土寇未靖賊繫氏公姑掠金財
復欲逼氏俱往氏曰汝釋我公姑賊因釋所繫氏度公
姑可脫乃挺刃斫賊碎其額罵曰我雖未能盡殺汝然
亦少雪吾憤矣遂自殺

以上舊志

姜氏生員毛曰傑妻歲貢毛炤母年十八歸於毛二十九
歲夫亡孤炤方七歲氏檢夫手澤封貯一箱兒旣長另

建小室曰三遷齋將封貯遺書囑孤勉讀以繼父志躬親紡織以佐之歲癸未疫病比戶傳染氏朝夕焚香默叩祈舅姑無恙氏家獨安姑後病疽不能動履氏朝夕進膳調藥穢垢躬親澣濯及舅姑相繼歿氏終喪盡哀盡禮終身粗衣蔬食遇飢寒無告者減貲助之守節四十餘年乾隆三年旌表建坊

吳氏郡庠毛炳妻東邑監生鴻遠之女邑廩德城之母年二十五時炳力學病故幾欲身殉旋以舅姑待養藐孤待撫忍死守節嘗誦母家黃節婦盟志詩及課子文曰操行必如此庶可報亡人於地下厥後鄰火夜驚氏鍵

安仁縣志

卷之八

節烈

李三

戶不出聞兒至始行火熄家人詰之應云孀婦作室中灰可遽暮夜行不可及姑病項癰氏服勞半載姑漸愈而氏得沉疴臨危強起泣拜舅姑曰所以報亡人者今知免矣痛不能終養幸一子稍長望加督責務期學成并囑棺衾服物俱從青素乾隆五年院憲題請旌表建坊

汪氏路底瑞忠女山後邑庠桂名著妻太學根母庠生五之祖母也性婉淑勤紡績年二十四歲而娶撤其環瑱矢志事姑鞠子時兩姑在堂嫡以瞽廢氏卧牀側旦則舐其目衣不解帶者三年沒後以婦代子啣哀盡禮事

十一年題奉建坊旌表節孝

李氏雅瑤塘陳嘉式妻邑庠安民母也嘉性孝友淹覽經史不幸早世李年二十有三安民甫四齡厲志守節竭力事姑邑拔貢士洪猷為傳邑侯魏公鈞申題奉文建坊於縣南隅以旌之

高氏朱鳳源熊士珩妻廩生夢良母性貞靜孝謹事舅姑甚得歡心姑因失步折右臂手不能舉梳高躬湯藥代盥櫛數十年如一日年二十五而士珩卒時夢良甫三歲勤紡績力家政延師課督母欲奪志輒引刀自誓凡遇族鄰貧乏或不能具喪葬恒出貲周濟歲施棺衾無

安仁縣志

卷之八

節烈

卒五

算茶亭橋道捐助尤多鄉里咸頌之乾隆十四年給帑建坊

張氏山後監生桂琮妻李氏琮子邑庠近智妻也琮病危近智猶在姪語張曰汝青年無子而有孕我死後倘產女汝當他適柰吾老母何氏即叩柱流血曰生男生女我不敢知惟當奉老姑餘年後以身徯君地下耳夫乃瞑目氏年二十四姑徐氏哭子成疾數瀆於死氏即立親姪癸年為子含淚勸曰姑所憂者無孫耳今已有孫矣踰二月始生近智撫二孤艱辛備歷獨操家政訓二子皆入庠姑歿葬祭盡禮性甘淡素獨好施子嘗以歸

時奩物及紡績所餘之貲周族中飢寒者歲施棺數十具年六十九身歿臨歿囑孫濤濤禁用浮屠不得聽堪輿別尋風水惟葬我於汝祖之側後以祖塋差狹合塋頗難屢卜柩前竟不許乾隆十五年建坊旌表氏歿時子近智已早世媳李氏孀居又二十餘年矣當近智歿時李年二十五一子濤方四歲氏水漿不入口者數日既念姑老子穉於是截髮盟心從容慰姑曰姑毋憂也媳當效姑所為撫弱子成立以無負姑苦志孤十歲內徃徃多病氏惟潛心調養每牽至姑前曰兒今幸無病以是姑雖痛子早亡猶復見孫而喜其他孝養事多類

安仁縣志

卷之八

節烈

六六

此氏母家南隅塘底相距不數武自父母歿後不復再徃承姑嚴肅之風服役止用童穉非呼喚不入中庭數十餘年且未出戶族鄰婦女無識其面者乾隆十五年與姑張氏同建坊旌表

許氏汪源周翰弟妻家禎之母太學文之祖母也氏幼聞里有孝烈橋詢父橋何以命名父告以巔末恍然曰地以人傳耶及于歸周乃知謝氏爲夫之太祖妣歸寧過橋輒下禮焉橋圯氏囑族庠天泓之冕請邑令孫公躍給序捐貲重修夫病檢借券盡還債家夫歿氏年二十四哀毀骨立衣食淡素事晚姑李氏八十有餘目眇凡

坐卧梳洗飲食皆氏服事媳或代之氏每諭曰此吾分
內事毋相越也姑卒之年氏逾六十衰麻哭泣伏喪幃
內與幃外諸孫答弔親友歎服享年八十一歲邑令張
公顏其德曰藁節松筠乾隆十六年旌賜清標彤管
以上旌
賢淑

(元)

周氏吳萬松妻早寡勤儉持家克承夫志教其三子皆有
成立有司旌其門曰風高孟柳

羅氏貴溪靖之女石溪祝觀妻生子良興事舅姑至孝夫
早逝守志不奪克撫良興元季兵變良興有保障功明

安仁縣志

卷之八

賢淑

六十七

初授鎮撫知縣李思信以其能訓子且壽八十有八上
其事旌表其門

(明)

嚴氏楊允忠妻貢士貞之母年二十二而寡持志不二事
姑克孝教其子三人常語曰爾能力學顯榮吾無憾
矣壽八十始終一節後貞成其志作奉歡堂以養之國
子助教鄒仲行記畧曰夫亡守義是為賢妻事姑盡孝
是為賢婦教子義方是為賢母

國朝

倪氏桂濬妻年二十八而寡甘貧矢志撫子成立苦節著

聞知縣史紀夏以貞德久視扁旌之

張氏桂禮廿七妻年二十六而發冰霜自守持家教子年登八十七蔚之祖母

吳氏李自芳妻早寡甘貧以節操自矢紡織課子有和熊畫荻之風後子長發登順治庚子科

邵氏官惟賢妻夫早喪甘貧勵志課子朝佑成貢士興屯道翟鳳翥給扁曰賢節孫三槐三台等俱有文名

吳氏宋對仁妻對仁患廢疾妻年方踰二十欲令改嫁求貲養疾吳氏堅志不從剪髮事夫及夫沒守貞勤儉課子卒年八旬子希虞入邑庠竭力事親屯田同知張慎

安仁縣志

卷之八

賢淑

六十八

行旌扁節孝雙全副使葉應震贈以詩云浮沉薄海愧鬚眉蟲計何如健婦支別鶴冰霜孤操日和熊煙雨獨居時我儀我特天爲矢人孝人忠母即師賦得梅花心似鐵知君慈訓栢舟詩

邵氏桂氏邵氏湯應暘妻桂氏故祥妻事見後應暘下

周氏桂象美妻象美早喪妻年僅二十矢志孀居奉事舅姑克孝克勤課子重成名兼能保守文襄公書籍守貞三十餘年始終如一邑人咸稱其有歐母之風云

艾氏李氏艾歸陳應兆敬戒無違生子廷鶴甫週而寡時年二十一守節撫孤娶媳李氏以孝謹聞廷鶴中道捐

逝李方二十六歲柏舟矢志三子俱幼兩世孀居治家
勤儉訓子嚴肅艾卒年九十一孫禮成明經李年八十
二猶逮哺其孫之孫焉里人稱之曰前艾後李姑媳濟
美邑侯胡旌扁節孝聯芳邑侯丘旌艾氏扁峻節祺壽
李氏扁節壽嗣徽

樂氏夏氏樂毛士頑妻東汝貢士和奏之女邑庠圖南之
媳也幼頗讀書年二十六而寡撫孤明及德嘗自言曰
夙承姆訓諳大義今作未亡人必克家教子庶幾無忝
信誓德補弟子員明亦早世明妻夏氏生子在襁褓與
樂共守冰帟不踰閨闕樂年七十七而卒德事母能竭

安仁縣志

卷之八

賢淑

卒九

其力進士梁竒銘其墓曰皎皎夜月烈烈秋霜邑侯丘
扁旌節垂壺範夏年逾六十引經勤課子珮餼郡庠邑
侯丘扁旌熊荻遺風教諭段題曰名高和九

周氏生員李來賀妻年二十四而寡父母勸嫁不從矢志
靡他撫姪學沉爲嗣年踰六旬始終如一里人稱爲節
孝兩全

劉氏周氏劉年十七歸吳玉華周年十六歸吳我忠劉婚
二載而華死遺孤登賢甫期月周婚匝歲無嗣繼姪登
寀爲子兩未亡人玉潔冰清瑩然一室登賢登寀俱補
邑庠

邵氏港西夏而良妻年二十六而寡撫孤三歲諸伯氏欲奪其志邵堅不從紡績課子年九十二而卒子靖孫日年俱庠生邑侯疊旌其門

黃氏吳才仲妻早寡稍通詩書引經課子砥柱入郡庠登賢書爲沅陵知縣氏年六十有七賢聲著聞遠近稱之史氏生員劉儒之妻年十九而寡撫孤一月潔守孀居耐事桑麻子曰增補邑庠年八十二而終

歐氏桂洲村官嶽降妻性至孝姑錢氏病篤百醫不効遂焚香祝天割股肉以進姑病遂愈鄉里稱之知縣胡公扁曰至孝克敦

安仁縣志

卷之八

賢淑

七

辛氏二十四都仁興村鄉賓袁融妻性溫惠又簡默少言奉上撫下不聞有疾遽之聲不見有悍厲之色惟克儉克勤雖屆耄年猶如故生平最不喜人忿爭或遇夫稍有不平輒勸以寬忍弗與較有親侄二人自失怙恃以來氏不以析居有異視饑與之食寒授之衣時代計其有無不俟求而後給卽今弟昆俱老氏猶殷殷憫恤不渝其初至扶危濟困樂善好施雖皆本其夫主持而氏實多內助力有未易更僕數者夫融年近百歲氏亦逾九十餘夫婦康寧眼觀四世聚順一堂緝緝繩繩正未有艾焉子二太學生作孚其次子也孫壁入邑庠象天

入郡庠

陳氏十六都嵩塘村吳淑予妻國學一峯儒生囊書之母
邑庠雋國學友夔之祖母也年十四于歸性溫厚慈祥
奉姑孝事夫敬戒無違勤儉好施值庚寅歲饑常縮食
施粥出藏粟減價以鬻全活頗多夫淑常以正芳及下
芳州二橋未成人每病涉爲憂氏曰有志者事竟成雖
盡家貲君當急爲之遂召匠砌築期年告成里中至今
賴之課子訓孫成名皆氏慈德所致也攝篆趙公淳匾
其堂曰德厚嗣徽

彭氏二十四都彭坊村吳翼宸之妻年二十六孀閨寂守

安仁縣志

卷之八

賢淑

十一

秉節誓舟痛夫孝養未全竭力奉姑朝夕不離姑側後
治姑喪殮葬俱一如禮法撫一子桐封至成童就傅擇
士林中有道而文者命之請業務期以正行爲先性最
嚴毅家政肅然待子媳不少寬假卽諸孫亦時勤課督
名流過從見母儀堪式咸以爲有畫荻風焉子桐封郡
庠生孫燧邑庠生

劉氏中洲熊大榮妻淑慎天授孝慈性成事太姑趙晚姑
洪晨昏定省潔灑進膳各得歡心理家政勤織紝家有
贏餘卽以周族隣貧乏佐大榮爲一鄉善士舉鄉飲介
賓未就至今咸頌揚焉子亮采振采俱庠生

吳氏諸鳳源胡幹臣之妻幼時笑言不苟視履罔愆及嬪
於胡事舅姑極愛敬後因夫兄弟析居乃慮舅姑衰老
恐輪養不得歡心遂與夫商定獨供甘旨問視無違直
至舅姑沒而後已有堂姪早孤氏勸夫字若已子教養
婚娶外并予田廬安置之厥後夫與子皆棄世鞠育二
孫延塾師課督族子弟來就學有貧難舉俸薪者氏悉
代爲供給聞族鄰雀角非空言可排必囑其孫陰以貲
助之俾忿爭各釋他若見危必救遇急必周設渡成梁
買棺掩骼皆氏生平所樂施鄰里共見共聞以爲必克
昌後者太學生山郎其長孫也

安仁縣志

卷之八

賢淑

七十二

李氏同盛村鄉賓吳宗乾之妻賦性幽閒秉心淑慎事舅
姑念桑榆暮景恐貽以憂慮委曲承歡處娣姒間雍雍
愉愉無詬諍猜嫌初家窶甚氏以劬勤佐其夫漸致殷
饒嘗語夫曰吾家處窶時深知窶人之苦今稍稍優矣
當推以賙貧乏其夫亦心躡之貸者不索券券折不求
償道路橋梁忼慨施濟遇戚友族鄰有急需者輒先問
及不待丐而與無慳容亦無德色此皆氏內助力以致
賢聲噪閭里間也子二長兆峰次名章俱入郡庠孫曾
亦皆俊偉人以爲賢夫婦積善之報云

傅氏五都詹坊源生員王用汲妻十四子歸性幽閑和厚

年未四十已有五丈夫子猶復樛木垂仁禮加副室致
子孫蕃衍甲于郡邑事舅姑克孝持家以勤甘淡泊樂
施予子廷選考授州同廷建邑庠廷進鄉飲作賓例貢
正位國學孫萬春萬壽俱庠生其副出者復七人俱名
籍大學諸孫數十人

夏氏樓溪金漢禮妻幼貞靜寡言咲年十八適金廟見後
淑慎嫻禮節克盡婦道至二十五歲夫病危嘗焚香祝
天求以身代及夫卒終夜涕泣思之夫於地下因念子
幼翁姑年老含淚矢志堅守鴈節鍵戶紡績非至八莫
由見其面守貞至六旬合都紳士服其節孝具呈於縣

安仁縣志

卷之八

賢淑

七三

攝篆趙公淳甚加獎勵給匾旌之顏曰載徽彤管

吳氏洪崖毛鳳藻妻東邑舉人吳逮妹也鳳藻父汝瑗祖
珩已別有傳見文苑氏系出名家夙嫻姆教事鳳藻操
機佐讀敬戒無違鳳藻種學績文不幸早世氏年未三
十上有姑及祖姑旣以婦代子復以孫媳代孫承歡兩
世咸以孝稱一子鵬躬親教育遂補弟子員乾隆年間
鵬方援例請旌具呈學師移縣轉詳忽謝世事格不行
今三世孀居艱難萬狀誠所謂苦節貞凶者

楊氏三都基墩吳君義妻君義早喪氏痛夫幾殞柏舟矢
志善事舅姑課子惟揚有成家稍豐值房族有幼老失

依者分產以厚其生殯葬以全其誼至於恩及鄰里又其餘焉守節四十餘年壽八十有三邑侯魏鈞以匾贈之

虞氏三都基墩邑庠吳惟揚妻惟揚早卒氏守節二十餘年冰霜自誓勤於訓子有敬姜孟母風姑楊氏年老多疾寢食侍側不離夫前妻王氏有子禎士甫二歲氏為之保抱携持教養婚配視所生尤加厚焉禎士因慈益化受命尤謹故鄰里交稱之

李氏洪崖毛自佳妻自佳卒時氏孀毛甫四載遺孤旭華方半週老姑多病在牀氏躬奉湯藥曉夕不離曾割股

安仁縣志

卷之八

賢淑

七十四

以愈其疾迄今守節四十九年年六十七歲家貧百苦備嘗鍵戶紡績親族莫識其面本學教諭李士珠方欲以節孝可風具詳會去官未果行

邵氏十都祝坊村人年十八歸余姓醜其舅之行力勸難挽不容於余遂歸母家誓不他適後余復娶毫不計念母家貧甚託親友婦女屢勸再嫁堅執不從幾欲自盡母懼遂止終身敝衣素履不茹葷酒迄今四十餘年針黹紡績或隔日一飧務自供給族鄰無由見其面邑人士咸指為貞婦云

吳氏桂球妻年二十一而寡子一止四歲甘貧守節備極
艱辛叔亦早亡孀不終制有姪四歲氏親撫養至婚配
已畢始令另烟勤儉紆績始終一節更能通曉大義尊
師禮賓族黨咸稱之子世高補邑庠邑侯魏旌其節
李氏十三都霞山蔣帝秉副國學斯盛母也素嫻姆訓闔
範端嚴年二十七夫亡撫育一子孀守冰閨足不少離
事姑定省惟勤延師誠敬備至訓子義方務期成立常
以女工餘督之親黨皆以為陶孟遺風焉家稍豐裕遇
貧乏求濟者靡有不周脩建路橋均樂贊助教諭賴公
良竹贈匾嚴氣凌霜迨六旬攝篆王公坤以齡高節勁

安仁縣志

卷之八

賢志

七十五

匾旌之

